

梅亭先生四六標準

六

四六標準

四六標準



梅亭先生四六標準卷之十四

生辰

代胡侍郎謝朝士賀生日

生我劬勞撫六弧而增感俾爾耆艾捧連璧以知
漸惟某官厚德嘘枯高詞發藻五十之年過二
惟憐坡老之衰三萬之日無多欲擬茶山之老華
其斑白飾以青黃人情欲壽欲安知所家矣君子
善頌善禱何以報之

代謝朝士已下

五十之年過二孰記衰顏什伍之星有三猥勤善
頌頤方思罔極之德何敢當不類之歌歟美明珠
藏但深於十襲嗟呵凍筆報有愧於七襄

謝黃侍郎

伯固

生日詩

絳縣老人之生甲擁翠節以知慙黃絹幼婦之受
辛感碧幢之委重愧踰垣之莫避且返璧之未能
恭惟某官帷幄近臣詩書元帥怜生我勞瘁之旦
有愴蒿義歌俾爾耆艾之詩使堅松栢勞以春天
之尊酒副之秋月之兩章殆念苞栩趙棠之陰曷
稱飛芻刻楮之役某平頭六十闕慮萬千思玉局
老之養生安得還鄉而騎鶴從金華仙而學道或

蒙叱石以爲羊

謝魏侍郎了翁生日詩

久生不學寒蒲柳之先零初度無能困樵蘇之後
嬰過辱兩章之秋月見期千載之春風留歸壓於
魚舟難捲還於鯨錦恭惟某官拍肩諸老畜眼一
人天不祿民將謀及詩書之帥人能棟道恐宜在
條理之科閱六十服戎之夫窘千里餽糧之役我
辰安在敢祈牛斗之能神夫子言之或免螻菌之
俱腐某屬有國故且無親存方茲疚懷於劬勞只
得痛謝於頌禱先生與之言則對參乎奚避席之

西一曰

疑小子何莫學夫詩武也請卒章之受

謝諸處監司賀生日

我年六一真成薄頽景於西山春餘半分未許託
老人於南極茲屆劬勞之旦敢當褒借之詞恭惟
提刑六轡澄清十行炳煥運使斧繡光輝珠璣咳

唾賢者告以善揆亡菑亡害之初愛之欲其生有
爾熾爾昌之詠所愧泥塗之絳甲要非光焰之白
庚某有味其言不知所賀君子謂之善頌相期食
蛤以踞龜使臣不敢與聞但願放牛而歸馬

謝都大賀生日詩

匪莪伊蔚正緬思罔極之天以蘿施松辱許共後
凋之歲然頭白走雪山之戍覺鬢青首寶蓋之峯
幸聯公子之婚姻見假長庚之光焰恭惟某官靴
糠團鳳纒策翔麟一雄將十萬之雌識神駿於驪
黃之外六經佐三尺之法辨澠淄於鬼褐之中眷
此陳人寵其初度正欲歸耕於
詎思入對於
延英某有味其言不知所報絳縣老人之生甲花
六十以既周黃絹幼婦之受辛椿八千其安用

謝都大賀生日詞

皇揆余度已勤溢美之言子與人歌更作新涼之
賀輒駢四六仰謝再三恭惟某官學廣文多筆精
墨妙歌鍾二肆和諧魏絳之聲駉牝三千教習開
元之舞寬望秋先零之念賦陽春寡和之章某重
拜珍投宛成珠貫贈以綠綺愧莫報於雙南寫之
烏絲惟謹藏於十襲

謝呂提刑壽詩

泥塗絳老正自疑甲子之年霄漢繡衣猶記揆庚
寅之度鼎來好語賁飾孤生恭惟某官高誼薄雲
長毫裁霧舊游楚地未寒車馬笠之盟今戴蘇天
尚念斗牛箕之宿雙節併風而幪雨兩章對月以

借星某遠守石龜深慚玉燕報德罔極劬勞但感於蓼莪有功見知勞來請歌於杖屨

謝提刑

蕭艾賤生桑蓬初度但切劬勞之感敢當頌禱之勤恭惟某官盛德嘘枯高文發藻旣旌厚意又歲多儀區區私情拳拳戢佩

謝呂運使賀生日

霄漢繡衣遷轉木牛之運瓊瑤錦段寵光芻狗之陳揆初度以何榮受徽言而增愧恭惟某官脩名揭日高誼薄雲駕車馬笠之盟不挾貴不挾長問斗牛箕之宿無以名無以懷七言撮白玉之舟一字重黃金之價某身方受察心已懷歸使臣必諮於周惠而好我人情莫不欲壽更以贈君

謝生日投詩

代何月湖

彼其之子鵜積愧於在梁我生之辰牛豈神於奮角茲勤善頌徒發愧情恭惟某官藻掞天庭句穿月脇怜絳人之甲子混在泥塗記孟陬之庚寅眷焉遲暮特華其老相贈以言某取數旣多餘年無幾欲報罔極之德已廢蓼莪敢當不類之歌請辭假樂

代謝生日投詞

皇覽揆余初度漫扈江離子欲養親不存但悲風
木茲勤妙語徒發愧情恭惟某官脫時世粧續古
樂府溫柔重厚有二雅之正言婉麗清新無六朝
之俳體惠而好我何以報公某愧乏辰猷空踰亥
首聽陽春之寡和爲調彌高享肆夏之升歌請拜
其細

普謝見任官賀生日詩詞

伏以小人不知紀年恍近平頭之六十君子爲善
頌禱仰勤厚意之再三受言藏之有感多矣恭惟
某官英詞漱潤盛德嘘枯愛之欲其生忘泥塗之
爲辱賢者告以善任牛斗之不神所慙此申之辰
難擬長庚之夢某未能返璧又乏報瓊三嘆而音
有遺良服朱弦之疏越千歲而眉無害還祈黃髮
之壽胥

謝學職十四人投詩賀生日

伏以召南之詩十四固足繫騶虞之風魯侯之歲
萬千何以當泮宮之頌良見維桑與梓之敬然增
匪我伊蔚之思伏惟某人學士岷峨之英江漢以
濯他年事業半雲閣之功臣此日詞章倍建安之

才子怜香山艷陽之過九信眉山近古之有三勁
氣芳詞高文大冊序所爲作者之意陳誼尤高相
接以粲然之文過情是耻某爾然蒲柳感此桑蓬
人情莫不欲壽欲安生則烏可已也君子謂之善
頌善禱忠焉能勿誨乎

謝潼川提刑謝太博賀生日

伏以問甲辰之雄木旣遄諏度之載驅守癸亥之
健爲眞覺棲遲之萬狀猶蒙佳句見貺陳人恭惟
某官高義薄雲英詞組霧牛頭袞袞詎止隨世界
之花象耳耽耽猶記生池塘之草曲吟苦學承籍
甘棠皇揆余降庚寅紛吾有此我與君皆丙子欲
並生哉某獲守蕭規敢當唐律思其人愛其樹何
如對秋月之兩章誦其詩讀其書安得共春天之
尊酒

謝鄉官寄居士人賀生日詩

伏以匪義伊蒿增劬勞勞瘁之感維桑與梓辱熾
昌昌大之詞何以報木瓜之三用是光蓬矢之六
恭惟某官噓枯意厚發藻才雄半百過九年笑白
傳艷陽之已老分寸落千丈怜韓公牛斗之不神
贈汝好辭揆余初度某安知燕喜但笑龍鍾一唱

三嘆而音有遺難和朱弦之疏越萬有千歲而眉
無害還祈黃髮之壽胥

謝潼川知府趙監丞賀生日詩

伏以男子始生有負大人占之之夢我辰安在敢
當先生長者之褒有愧微言莫酬隆眷恭惟某官
爲善最樂大雅不羣發更生寶苑之書浩如淵海
出長言錦囊之句迅若風檣有怜桃李之一株重
感桑蓬之六矢吹以七言之律重於雙璧之貽某
夙荷甄收竟成推鈍老人無一子誰知絳甲之泥
塗仙官勅六丁長倚白庚之光焰

謝列郡太守以上賀生日

小劫六十之風雨齒邁二齡大川三百之波濤心
驚萬里揆余初而增感俾爾壽以何居恭惟某官
云云河漢淵海富卿雲舒向之儲月露風煙陋廬
駱王揚之作隣絳縣老人之生甲贈黃絹幼婦之
受辛某仕則慕君老當佚我不俟駕固將朝也良
感微言射以弧受乃負之敢忘幼志

謝通判以下賀生日

六十二歲之樂愧無白鶴之新居萬里幾年之歸
孰念碧雞之老客皇揆余度何及公言伏惟某官

盛德嗟枯英文揆藻念苞栩之使雖叨四牡之還
感蓼莪之詩無復三牲之養煖於布帛贈以襜褕
某六轡既均二節以走夙興夜寐亦希無忝於所
生日邁月征尚祈不諫之亦入

謝王制參等八員賀生日

王制參

翊

丁制機

鏊

蒲制機

仲乙

楊制幹

異

陳制幹

曾

宋制幹

拱

王撫幹

三桂

王鈴幹

灑

四方有志愧孤負於桑蓬八公同辰辱褒期於擣
礮固辭不獲厚意何居恭惟某官合志同方集思
廣益依紅泛綠培懷黃拖紫之程取白媿青忘者
朱成碧之醜揆余初度贈汝好詞某返壁未能報
瓊焉有觀我生之進退真成維谷之羞俾爾壽而
熾昌曷副如岡之頌

謝丁制置壽詞

轉粟青天之上牋詞來謝於青天射蓬白雪之邊
度曲敢當於白雪有美朝中之措見貽方外之游
恭惟某官遼鶴高標庖牛餘刃春風楊柳之句宜
拍紅牙夜月梧桐之篇何關白髮某既聞耳矣又
寓目焉適有高峯綠雲之行別圖公堂披霧之謝

謝丁制置賀壽詩

塵外花村已辱春風之一曲雪邊蓬矢又勤秋月
之兩章拜君貺以何多揆余初而增感恭惟某官
詩書元帥翰墨宗工歷井捫參憐長庚之伴月
箕挹斗笑韓子之生辰既貽一倡之三復畀七言
之二拊躬感槩拜賜駢蕃某政爾避喧又蒙委重
自爲青城客愧擬住之未能贈我翠織成欲捲還
而安敢

回賀生日 戊子

生我勞悴揆初度以增悲俾爾熾昌受徽言而重

標十四

愧嘗已戒門而辭璧猶蒙擲地以鏗金恭惟

某官

厚德嘯枯英文發藻憐香山花前之歲正可閑行
吟老坡月下之風不妨同坐特捐妙語見寵孤蹤
某自笑朱愚老爲黔佐問昌黎之南斗兼除難挹
於酒漿歌靈均之東皇偃蹇謾陳於竽瑟

回武官賀生日

勞我以生却青雲於垂上愛人以德歌白雪以彌
高感及爾同僚之私增揆余初度之愧恭惟某官
共武之服克壯其猶談笑詞鋒足當八面緒餘筆
陣亦掃千軍有憐桑弧蓬矢之辰見致松茂竹苞

之祝某不能返璧又乏報瓊人情欲壽時欲安尚微
餘芘君子善頌善禱但耻過情

代回曾運使

生我劬勞廢蓼莪而興感俾爾耆艾攬茹蕙以增
慚敢圖高情見界妙語恭惟某官文得家法句通
古人怜牛斗之不神了無善狀因參辰之相比借
以餘光擣藻粲然 厚甚某不知所賀藏去爲
榮八千爲春盡自 之 五十而慕但激終身
之思

代回安撫趙尚書師賀生日

標一四

蒲柳旣凋又屆始生之日蓼莪罔極滋弗泊之
思特達高情勤渠下問置慚無所懷感有之恭惟
某官曳履公餘鳴謙私惠憐絳人之甲子混在泥
塗記孟陬之庚寅撫其逢暮函牋甚寵臺餽孔殷
某祇佩眷存但深銜戢取公竹馬愧請謝之未能
投我木桃復報章之不稱

代回衆官賀生日

皇揆余以初度內羨闕然牛與斗兮不神善名安
在過勤妙語祇發愧情恭惟某官嬉笑文章游戲
翰墨摩娑銅狄欲相許以久長刻畫無塩殊不知

其老醜此意厚甚而我謂何某返璧未能報瓊無
有此乃相親重道拜而受之何敢當不類歌顏之
厚矣

代回道士賀生日

勞我以生能嬰兒之除滌游方之外笑老子之婆
娑佳句惠然私情媿甚恭惟某人斲弄明月頡頏
飛霞拍石鼎於爐中便成聯句用榴皮於壁上豈
不中書見界名章有光初度某偶差一念獻笑諸
公飲馬麾蛟望崦嵫而勿迫踞龜食蛤與汗漫以
相期

代回僧賀生日

拖泥帶水若爲還我之未生賞月吟風更愧情人
之相訪恭惟某人句中有眼筆下無痕應憐生朝
認本來之面目雖脫死籍當自揣於頭顱特贈以
言足華其老某似僧有髮在俗得禪庵外松枝覺
歲華之難數庭前栢樹或祖意之少分

回張縣尉

煥

五十學易闕然觀我之生七步成章厚甚揆余之
度顧切劬勞之感敢當頌禱之私恭惟某官簪笏
名家弓刀小隱擬姑孰之十詠肯爲東野之酸師

廬陵之諸賢尚接江西之派值分鄰燭見貺門弧
某德既多涼官仍獨冷弟子有笑于列者雖未見
治鄉人皆好之何如莫知所報

回同官預賀壽詩

生我勞瘁隔彌月之實訐俾爾熾昌荷祈年之孔
夙感高情之見厚豈善頌之敢當恭惟某官義篤
官聯禮隆僚好怜絳縣老人之辱越在泥塗加黃
綃幼婦之辭寵其遲暮及差科之未動勞朋友之
先施某既感且慚罔知所報人生不滿百孰非欲
壽而欲安天下達尊三各願彌高而彌邵

標一四

回鄉官上壽

庚寅

伏以我生之辰與王瓜而同日物出於甲柰雌木
之非材何勤黃綃幼婦之辭更爲絳縣老人之祝
恭惟某官英文發藻厚德嘘枯五十七之歸遲每
怜白傳二千石之強直俯念朱卿假以微言寵其
初度某不知所賀藏去爲榮吾黨小子之斐然之
瓊琚之效報是邦大夫之賢者希藥石以相生

回謝同官投詩

五十七之歸遲愧見唐人之句萬有千之無害敢
當魯頌之歌何勤黃綃幼婦之辭更爲蒼顏太守

之祝恭惟某官薄雲高誼翻水成文及爾同寮喜
參辰之相比揆余初度笑牛斗之不神贈以微言
極其善頌某自憐雌甲難問長庚匪我伊蒿但感
劬勞之罔極有杖之杜敢希守衛之勤歸

回士人投生日詩

生我劬勞曾莫報昊天之德俾爾昌熾詎敢當泮
水之詩有勤黃絹之辭但重朱絃之歎伏惟某官
文如翻水思若涌泉憐白傅五十七之齡已遲歸
計比絳人三分一之數大似疑年贈以微言寵其
初度某不知所賀藏去爲榮愛之欲其生倍有加
於布帛施不求其報愧莫辨於瓊瑤

回三江文將仕

誦白傅五十七之詩已遲歸計辱魯侯萬有千之
頌俾試壽胥愧非所蒙願竊有復恭惟某官瑰辭
發藻瓊翰噓枯贈汝好辭磨厲桑蓬之意揆余初
度堅凝松栢之心得非愛之欲其生所謂友以久
其道某自怜單獨倍感劬勞維摩想日邊之朝難
陪雄甲謫仙尋夜郎之夢且伴長庚

回學職二十四人投詩

香山五十七歲嘆歸計之已遲凌煙二十四賢忘

歌詩之不類揆余初度懷我好音伏惟某官氣應
歲躔才堪郎省比周家八士之數價喜倍三較魯
頌四篇之文數幾用六冠以鱣堂之序寵茲鯉饋
之辰小人不知紀年自甘雌甲君子善爲頌禱誤
擬長庚列磬編鍾春金撼玉某自慚一喙莫辨七
襄孰殺子產吾其與之幸可免輿人之誦守得陽
公民又賢也所希篤同業之盟

回同官上壽詩詞

揆余初度終身惟切於慕親及爾同寮君子頌多
於善頌過情可耻佩意亦勤伏惟某官義篤官聯

標一四

材雄筆陣憐白傅五十七之感歸計已遲比絳人
三分一之年輿人何筭旣加膏沃復借品題某自
頽衰殘難當將予加桑弧於蓬矢之走空走四方
報綺琴以南金之雙僅憑尺牘

回衆官賀生日詩癸巳

遽伯六十之年重感劬勞於初度曾侯萬千之頌
難當褒拂之徽言無容徒履以迎門正恐文書之
銜袖拜珠璣之終惠列鍾磬以成編恭惟某官直
氣抗峨英詞倒峽濯錦江之錦洗空黃絹之絲撫
琴臺之琴高掩朱絃之瑟厚同官爲僚之誼忘歌

詩必類之言使臣弗敢與聞固以王宅憂之故人
情莫不欲壽且懷祝矯舉之羞某莫報七襄但藏
十龍今日之受非也璧恐暗於投人忠告而善道
之石尚期於生我其爲感佩罔旣敷陳

回諸廳屬官賀生日五十人

生我劬勞永負綵衣七旬之養俾爾耆艾敢當錦
瑟五十之絃良感同僚之盡心曷稱高文之大冊
恭惟某官文濯江漢筆抗岷峨四摞二分洞包犧
大衍之數三章九百合公羊外傳之篇有憐揆初
寵貽善頌考華陽之志復見三州之後賢享穆叔
之歌敢忘五善之重拜某捲還不敏藏為去榮壘
曰外孫固荷假長庚之光焰桑弧男子已甘付雌
甲於泥塗

回魏制幹賀生日

老瞻南極違入丁出丙之躔詩夢西堂愧換甲生
申之句有勤親誼見畀英詞恭惟某官挺有祖風
卓爲人鑑老者人所敬爲近於親愛之欲其生俾
昌而熾對兩章之秋月藹多態之春雲某倚玉知
慙報瓊何有沈香吟芍藥之調詎敢與聞遠志有
當歸之心尚希愛助

回黃侍郎伯固賀生日

白鶴新居有頽景六十一之嘆
碧雞老客無廣廈千萬間之思
敢意達尊特形善頌
恭惟某官疇庸參井趣觀
房心草蟲阜螽之勞還自天子
所木牛流馬之積困哀我人斯
有怜花甲之周曲借蠶辛之妙
某未知淑後况敢揆初錦城早
還徒仰羨夏官之典午清溪夜
發或思伴秋月之長庚

回魏機宜賀生日

糟糠之堂偶當初度芙蓉之褥
猥辱英詞非所宜蒙願竊有復
恭惟某官句穿月脇筆撻天庭
借泛霞之光轉而白雪攬浣溪
之水寫以烏絲所愧瓦磚之床
曷副珠璣之詠但深十襲莫效
之襄

婚姻

爲顯孫通魏宅問名啓了翁

言念二星分野適並舍於魚鳧兩家提孩許問津於烏鵲仰甘棠之有芴愧苦李之無蹊孰固在於地同合殆由於天作茲者伏承某官小娘子周旋內則夙閑十七之少儀而某大學生位長孫某溫習中庸詎達三千之曲禮况未策贊皇之名第乃竊附公子之婚姻亦惟陪萬里之游因得合二姓之好卜妻占八世克協鳳飛之和勸郎勤六經寔望雞鳴之戒

標十四

爲顯孫通魏宅納采啓了翁

言念納采問名嘉禮寧嫌於重請居敬行簡省事固厭於兩回不敢虛拘敬將厚意必河之魴必河之鯉亦惟采藻以采蘋言秣其馬言秣其駒更冀刈婁而刈楚菲儀不腆別楮是陳

請媒書

言念析薪匪斧曷諧二姓之驩釣絲伊緡良借一言之重况以葭莩之契獲聯榛棗之昏遂孫枝攀附之榮皆媒葉往來之助

請期書

十月在策交月夙契於丙辰五日爲期吉日又符
於庚午宜其孫子宴爾室家敢修一介之尺書拱
俟八鸞之百兩

代姜寺丞

注

回史丞相府定親

相門出相方託身槐棘之陰丞壁負丞敢妄意松
蘿之附蒙以貴而下賤聘不腆之若人徵福甚榮
省心知愧恭承某官階蘭堪佩足繼史魚之風而
某女澗藻可湘粗閑姜鯉之教屈禮絕百僚之重
今好合二姓之驩君子不弛其親已敬佩魯公之
訓公侯必復其始願益綿魏國之封

標

每亭先生四六標準卷之十四

梅亭先生四六標準卷之十五

師傳 封爵附

賀丞相除少師

巽避公槐升魁師棘萬世策定盍徂躋萬石之班
三台色齊乃退位三孤之長寸心如此千載無之
恭惟某官厚大而裕和端凝而洪毅周年乎前魯
拜乎後邁韋平父子之榮陟格于帝尹格于天績
堯舜君民之業自開禧之末一麾九年相嘉定之
治十有七年於我如浮雲心本游於淡泊用汝作
霖雨身爰佩於安危既難挽鼎湖之龍乃力洗成
池之日周勃之誅呂迎代尚觀望於軍情霍光之
擁昭立宣幾動搖於庭議未有獨運於掌上不煩
執事之顏行爲天下得人與生民立極導憑几之
命而晏然仍几輔垂簾之政而遄已徹簾三邊絕
赤白之囊萬國布黃朱之乘風雷屏息日月重光
宜神聖建道德之師見輔弼爲社稷之寶比播維
垣之命允孚巖石之瞻乃執撝謙力回成渙弗敢
基命定命正倚弼諧若曰父師少師何拘等級姑
冠班於洪化即顙面以經邦坤載物而承天蓋得
下裳之吉鼎以木而巽火實存上鉉之虛九重尊

李泌以先生四海戴子儀爲尚父黃河如帶山如礪豈惟難拒於公珪青櫺有洞石有窻恐合紹開於王社某夙勤坏冶自抵簡書泥塗久隔於朝紳夢寐尚隨於賀臆輒憑魚繭之素恭布燕雀之私亮天地而弼一人諒益基無窮之聞理陰陽而遂萬物尚祈澤不獲之夫

代董侍郎賀丞相除少師

巽避公槐升魁孤棘奮庸而宅百揆輔茂陵十八載之隆平寅亮而弼一人開寶慶億萬年之晏粲明良交際動植均驩恭惟某官德鉅材全器闔用

標一五

博累卅躬行於忠孝四朝身佩於安危河決平原力挽百川而注海風搖夏屋獨高一柱之擎天盡返齊疆全歸趙璧金甌閑暇從容作商野之霖玉几導揚談笑取虞淵之日與生民而立極爲天下以得人九夷八蠻服整頓乾坤之手兩宮二聖知扶持社稷之心肆疇巖石之瞻亟出維垣之命甫揚成渙遽執摛謙重違再命三命之共甫轉父師少師之拜元圭衮冕上猶恨無官以酬公夏篆通旃公豈以辭榮而邀上惟楓陛比隆於皇祖則茅封仰紹於先王西平有子我有臣垂光簡冊周公

拜前魯拜後濟美鼎彝某自分泥塗夙蒙甄冶毫
釐千里既自投丹筆之書首尾八年未易復白圭
之玷茲復坦明之制但增踴躍之私黃麻之似六
經自此尚觀於蕃錫洪鈞之轉一氣更新俯振於
餘生

賀史丞相除太傅

成都運司作

師臣巽命帝傳升班七十從心公亦何心於極品
三千同德獨高崇德之紹勳叶朱衣介幘之祥增
黃耳玉鉉之重竊以傳者傳之德義不惟其官惟
其人臣哉臣作股肱罕有是父有是子若西京原

標十五

王陵之寵及東都旌卓茂之年雖加衡統以鑿纓
俱匪箕裘之鼎鼎於皇 孝廟舊學越王當淳熙
丙午之壽上皇以正月戊子而進亞父今專槐之
正位有喬木之世臣父子一家兩兩齊三台之色
君臣千載重重聚四紀之間賁然綠綈之新復此
青氈之舊恭惟某官清和而任直大以方禹以功
臯以謨通全絕德絳之果霍之勇難擬脩能無敵
知儒者之真可久見賢人之德一柱障黃河之決
兩手洗白日之光三登二十七年萬機幾千百變
內除狗鼠旋安鴻鴈之居外殄犬羊顯築鯨鯢之

觀風震雨凌而棟梁自吉火炎水潤而鼎寶各調
蓋享天心非要人爵陶侃之指紋貫徹猶三遜以
滋高丁固之松夢留連廿十年之不調上念慈闈
之訓日思元老之功無官酬公維師尚父猶堅謙
抑力反渙揚姑隆絕席之班式舉載輿之典虹明
帶玉龜顧印金備衮冕之上儀增衣冠之盛事改
容而禮論道以經平淮用八千兵更酬謝傳蒼生
之志辭齊封三萬戶會尋留侯黃石之盟某久累
播鈞遐瞻巖石聳聳聽上卷之一命阻陪潭府之三
才斐然成章是以有慶乘雪邊之節傳無因拜壽

杖之尊窺天上之階符願長輔化樞之運

賀史丞相除太傅

顯拜師臣榮躋帝傳聖人惟能饗帝復歸美於重
闈太宰以禮佐王併加恩於一命實清廟之盛典
非元老之私榮昔周家既立三事之官在成王尤
遴仲父之選始命姬旦以其師保萬民繼用畢高
以其弼亮四世自茲以往稱此惟艱若西京之遷
王陵與東都之寵鄧禹雖稱異數實飾虛文惟我
孝廟之盛時夙敬越王之舊學奉卮爲壽驩旣洽
於兩宮絕席隆師秩爰登於一品疇昔鯉趨於學

禮只今虎拜以揚休千載君臣聚見四十年之內
一家父子併成二萬石之榮與國咸休生民自有
恭惟某官鼎彝家學柱石世臣惟說總百官力贊
事神之勿黷暨湯有一德首明立愛之惟親相儀
南至之郊歲敬東朝之冊克禋克祀敷皇極而錫
厥庶民得祿得名受介福而于其王母二難具美
三遜滋高既力避於維垣亦何辭於命亥日月如
璧映玉佩之魚垂天地爲鑪鑄金章而龜顧一相
主乎內幾年淹九棘之班三公惟其人今日正專
槐之面是固舊物青氈之赤舄尤覺明公黃閣之
黑頭行開茅土之封式對山河之誓某風動甄錄
聳聽郵音雖箝尾在虺蜮之區然馳心賀燕雀之
厦宣麻綴文德之聽身隔重湖揅考武岡之占
公宜百祿

賀丞相除少傅

雄麻渙命孤棘升班相堯之功已書二十八載之
半弘周之化始介三公九卿之間取之甚廉簡在
則厚恭惟某官直方而大智勇且仁海晏河清藉
整頓乾坤之手天明地察鑿經綸社稷之心奏琴
瑟改絃之功贊匕鬯主器之決進律固加於有德

酬公真恨於無官矧如拔去竟邪收洪範福威之柄且復茂夷煩亂整素王筆削之功是皆非常之元宜受不次之賞猶且固辭於專面姑令明陟於貳公惟時亞保之官蓋古司空之選若稽漢制專司萬乘之宴私其在周官實在兩儀之寅亮聊丕昭於蕃錫豈盡答於元勳昔魏王再相於淳熙首升此職故高宗獨稱於德壽謂無幾人馴正師垣宏開壽域尚式周公之猷訓惟其有之是以似之以觀文王之景光心乎愛矣遐不謂矣某忻逢盛典倍激懽悰歌芘士之詩敢忘燕雀之賀夏作得賢之頌或憐蟋蟀之吟秋

西六一五

代任參政

希夷

賀丞相除少傅

冊命元勳序升孤傳三少特揖雖均為貳公之官四夷咸賓見時乃萬世之績若臣叶慶朝野交驩恭惟某官明允而篤誠洪深而肅括調政化不調之琴瑟續古今難續之鼎彝中書十五秋得賢人可久之德闢國數百里復寧王有指之疆迄今大寶之還詎止小球之受蓋帝王盛德之必頌獨頌獻琛而春秋常事之不書特書得玉然皆出魯公之力庸並垂周室之休敢圖古風復見今日宜亟

宰相

賀鄭參政

清之

除右相兼樞使進光祿大

夫

成都運司作

登庸舊學揆序元台能自得師謹厥終而唯始爰
立作相置諸右以輔台兼總鈞樞屹隆柱石恭惟
某官兩儀間氣四海真儒淡乎如列仙之癯傑然
乃萬夫之特壘壘太學四賦接古詩之流芹藻泮
宮三峽避詞源之水領袖貫九經之庫範模徧雙
宇之宮虎觀螭坳司存雨露麟臺整禁鼓舞風雷
杞人憂天馭方危於六馬虞淵取日功卓冠於五

西京十五

龍學焉而後臣之政不足與間也况苞苴賄賂猥
不入沂公之門且鼎鼎樓臺抑未聞寇相之第衆
浩然其歸重公持此以安歸天下無如召公又當
相成王之左生民未有夫子今乃得伊尹之時然
萬世永賴乃可謂功使匹夫不獲焉能無耻予惟
克邁乃訓千載一時天之降任是人百年幾見萬
國魚頭正有關於已任十年鳳池亦何足為公榮
見伊呂而失蕭曹則知管晏之卑矣濟英衛而遜
王魏此豈房杜之細耶願荷棟桴力光竹帛某一
寒戍雪十暑飲冰昔周旋康成之間夙親羶坐且

正專槐之面乃姑循次棘之階功臣封爵山河聿
觀繼世少傳寅亮天地詎足酬庸其全託一陶獲
歸三徑龜魚竊新亭之蔭亦有肺腸燕雀賀大夏
之成恨無羽翼

賀史丞相父太師魏王追封越王

代任樞密希夷

加冊元勳配祠清廟考十八侯定位之次惟蕭蓋
侑於祭廷應五百年異姓之封於越肇開於封土
遂吾相顯親之願彰我皇念舊之恩宗社同休
華夷胥懌恭惟先正大丞相文惠師王始終三紀
師保萬民湯於伊尹蓋學而臣之克同一德舜舉

票十五

臯陶不仁者遠矣允協重華宜侑食以匹休曾易
名之未稱思股肱於甘露想形貌於凌煙一卷之
書必立師矧實先朝之舊學七世之廟可觀德誰
踰烈祖之老臣徹彼土疆儼爾籩豆惟昌丕單稱
德峻加茅胙之分茲予大享先王永配椒馨之薦
丕昭異數夔掩前聞伏遇少保樞使大丞相國公
克享天心善繼人志故國非謂喬木蓋倚世臣成
績紀于太常以昭先烈用宏茲賁曰篤不忘其世
沐殊恩身逢盛事屬嬰美疢莫陪東閣之賓疇允
大邦切頌西平之子

班次巨君之下實認履聲今聞宣黃麻之六經適
尚盤青泥之九折緇衣三章知不遺於寸善洪鈞
一氣亦何間於八荒子獻相國書乎往翹底虞於
逢怒君遣使臣禮也終更願聽其亟還

賀丞相明堂慶壽并冊皇后禮成平淮寇

奏捷

邦慶頻仍王勲赫奕事天明事母孝新周南正始
之基有文德有武功策召公平夷之績一相主內
四夷具瞻恭惟某官氣塞乾坤心貫日月大鈞播
物風霆不顯其流形直柄當權水火共成鈐正味

標一五

無妄式遄於勿藥有孚信利於涉川理身理國厥
既兩全治內治外粲然兼舉肅雍顯相而於穆清
廟消選休成而爰熙紫壇太妙嗣徽音正九重之
寶冊王母受介福奉萬歲之玉卮豈謂薛臣之姦
驕敢負湛恩之汪濊楚氛甚惡動兵邦垣之中漢
相有真折衝尊俎之上薄言討伐亟遂殄殲南方
之強歟北方之強歟風移俗易東夷之人也西夷
之人也氣奪膽寒風聲鶴唳不但平淮雪夜鵝鳴
更觀擒蔡信君子不戰戰必勝知人臣無將將則
誅非能人百而已千疇見兼三而施四輔成帝略

悉出廟謨近使觀其知煩使觀其能曾不陳於聲
色無事用之禮有事用之戰悉顯奏於膚公非無
敵用儒者之真孰自任以天下之重黃河如帶山
如礪疇高蕭相之功西平有子我有臣請繼柳侯
之雅某久違光範逃守夜郎揆分雖一蟻之微聞
喜極六鰲之抃燕雀賀夏豈惟免風雨之憂鴻鴈
賓秋更乞遂江湖之樂

上史丞相

從辟出蜀

西去而辭大臣誤辱再三之命東征而勞歸士竟
無分寸之功顧志百謫之盈猶冒一慙之忍斐裁

標十五

狂簡忸布鬱陶伏念某意廣才踈身勤事左飢寒
驅我遂違吾斯未能信之防年不後人已落無聞
不足畏之境徒守童烏之氣習未忘子墨之生涯
蒲七除二之跳踉誠覺語言之無味駢四儷六之
吟哢底堪豪傑之跪呈間或小慙小好之逢迄難
大言大利之望相國禮之過矣昔嘗伏光範之門
大夫羅而致之乃使入河陽之幕路經灑灑鬢已
雙蓬身入襍斜命危一葉既乏先登塞旗之績何
逃相收連坐之刑然而聖主不加誅復令因任此
非元戎所自辟殆出密庸會既建宣威之牙始獲

捧從事之檄西曹地忍幸不汝疵東閣天寬理難
自絕惟受性酷好學問迂哉韓子之謀矧報國獨
惟文章悲矣柳侯之志顧且甘敗鼓渤海之比至
欲效朽株芝菌之祥有如萬不及於古人其他百
無用於今世天之未喪斯文也儻或容小道之觀
人之爲言胡得焉盍勉作大鈞之問恭准某官道
濟四海勲塞兩儀續古今難續之鼎彝一化不
調之琴瑟屹承天之一柱回障海之一川業業競
競贊一日萬機而無曠湯湯蕩蕩作十有三載而
乃同適茲殘羯之餘尚爲困獸之鬪非曰需無

標一五

於天下何不戰可屈於人兵齊歸侵疆須憑車

之力魏適樂土曾無傳檄之勞我適克至今日休
汝其敬識百辟享爲天地立心生民一極實春布
萬國之和以陰陽爲炭造化爲工脩月一輪之
照茲峻三孤之秩益章萬世之功以保保身在明
明德耻一夫之不獲當無求備於一夫輔萬物之
自然要必曲成於萬物巨川作舟楫則剡木皆有
用之器震風知帡幪則廣夏無可弃之材邦其永
孚于休公有無窮之聞尚念某倍勤埏埴獨困泥
塗菁莪在彼中阿曾出於春風披拂之內菲葑魚

以下體望收之秋霜刻轢之餘

代黃知縣壽上史丞相

錦製彌年天不哀其陟屺琴祥踰月人交勸其入
京盍從小宰之銓勿累大鈞之播惟是沈憂之後
難於故步之尋故提孤蹤更千宰物伏念其骨凡
難換器竊亡竒廣殿賜袍已作半枯之葉短檠照
字終無太喜之花幸脫選於七階甘服公百里
凄其風木越在塊苦棘人藥藥亦既廿三年之制
余髮種種難更宰百乘之家儻繩以半九十之行
寧能免落千丈之懼然痛定而思方痛其可再乎
謂弓人而取為三則無是也窮於五技望在一階
此蓋伏遇某官又我受民承天載物暨湯有一德
既簡在上帝之心惟說總百官必監于先王之憲
然並用湖海之士未嘗拘日月之功既於萬物而
曲成豈忍一夫之求備乞漿得酒詎敢希鶴鷺之
行點鐵成金庶不辱龍虎之榜某敢不刮摩所學
澡雪此心桃李悉在公門詎敢詠沙堤之避葑菲
無以下體尚庶幾藥籠之收

梅亭先生四六標準卷之十五

梅亭先生四六標準卷之十六

參政

賀喬樞密

行簡

除參政兼知院

成都運司作

晉用真儒升參大政運籌決勝久注意於安危當
軸處中仍兼資於文武用人如此通國驩然恭惟
某官廣淵而篤誠高明而博厚好學本孔顏之學
用心乃禹稷之心非仁義不陳於前雨露風深於
獻納有謀猷則順于外風霆不顯其流形翊贊斗
樞燮和天緯折衝尊俎鯨鯢服京觀之刑申畫郊
圻鱗介慕衣裳之會然南北兩朝不能一統由東

西二府分作兩塗今內治外治交急之時乃政柄
兵柄合謀之日宜崇夙夜宥密之任并策旦夕丞
弼之功蘇民力之中乾回夷情之內品建久安之
勢而成長治之業杜羣枉之塗而開衆正之門歲
大旱而作霖啓沃良資於傳說天未陰而徹土綢
繆允賴於周公邦其求乎于休公有無窮之聞某
雲邊輓粟雪裏聞麻回思太學之十年嘗侍司成
之丈席今三賢方施政於天下必無不獲之夫縱
四牡非有功之使臣願鑒懷歸之悃

代賀鄭簽書

昭先

除參政兼太子賓客

顯用正人進參大政試之宥密已折衝樽俎之間
倚以弼諧必銷患廟堂之上一賢得路四海傾心
恭惟某官清任以和直方而大陽休山立粹為郎
廟之珍地負海涵凜有社稷之器來從百里甫閱
七年徧儀清切之司彌積均弘之望果由樞筦遂
贊機衡作天子之股肱兼儲皇之羽翼淮公懋德
相我受民式觀鼎鼐之調益永旂常之載某屬拘
郤組莫旅賓綦千萬間之歡顏既深賀履三十幅
之共轂尤慶得輿

賀俞樞密

應符

兼參政

標一

鼎升兵本晉豫政機立武有常將見五原之款塞
用儒無敵更觀三后之協心膺一時稠疊之榮契
千載明良之會恭惟某官材宜王佐智可帝師自
其不辭小官之時已負將降大任之器夙夜宥密
甫參帷幄之籌乾坤清夷益結冕旒之眷既兼資
於文武盍並注於安危爰命宗工式兼亞相上帝
將復高祖德坐令趙璧之還皇天既付中國民豈
但齊疆之復惟股肱之寄在忠力則道德之威成
安疆邦其永孚于休公有無窮之聞某夙蒙揄拂
竟自沈冥直柄當權恐不吝曲成之陶冶近畿入

幕固未為遠去於門墻

賀陳簽書

貴誼

除參政兼同知

成都運司

升參大政復翊洪樞仲子之辭三公夫固輕千鍾
之祿曲逆之出六計終當遂萬物之宜一賢得輿
多士舉笏恭惟某官直方而大智勇且仁早收麟
角之科夙負黿頭之望讀孔璋之檄嚴嚴經國之
文卧元龍之樓耿耿濟時之略四國茂著宣之績
六條高澄按之功登山有得於徐行乘舟怵恐其
偏重禁中頗牧 鼓舞號令之風雷羶上唐虞緝
熙光明之日月迄由翰苑進陟機庭尊俎折衝京

標十方

觀正鯨鯢之戮郊圻申畫介胄無螻蝻之生立武
事以有常顯真儒之無敵今南北分庭和戰未一
則東西二府謀慮宜同爰籍前疑後必之功入摠
經文緯武之智邇人安遠人至憂民正急於憂邊
大臣法小臣廉正已不難於正物相尊等耳時來
為之無謂於我如浮雲當念造天之未雨不遐有
佐無競維人某學既拙踈法當惟悴十暑自安於
絺葛一寒誰與之緜袍昔周旋元方之間亦欲學
屠龍之技今疲敝益州之役良難見流馬之功忻
聞黃麻之六經合入繡衣之九戩燕雀賀夏捲簾

必念其差池蟋蟀鳴秋瑾戶願徐於穹室

賀宣參政續

申命真儒顓參大政公輔間于兩社德因服而益
彰天子必有四鄰官惟人而後備制書誕布歡頌
交馳恭惟某官忠結主知道先民覺泰山喬岳無
運動之迹入蒙潤而不知祥風和氣以長養為心
物有生而自遂與其參夙夜宥密之寄不若策旦
夕承弼之功臣哉孰重於鄰哉賢者固謂其大者
今海內之事勢若火未然公主上之信臣知風之
自夷情外狡民力中乾即戎七年而無休息之期

標十一方

拓地千里而無堅凝之術使能定未保其能應則
所憂將重於所欣實賴同心同德之臣亟合羣策
羣力之助收草茅之公議而用之邦國推塊棘之
和氣而達諸閭閻非常之功待非常之人無窮之
基有無窮之聞某崎嶇巢幕冒昧掃門山甫舉之
莫助之故妄陳於千慮原憲貧也非病也詎敢異
於一陶

樞密

代賀禮部曾尚書

從龍

除簽書兼太子賓客

登延駿望翊贊鴻樞增寶鼎九九之安國由人重
齊泰階兩兩之色魁與台連廊廟得賢華夷胥慶
恭惟某官造道自得經德不回一舉首登固有榮
進之素定孤忠自立宜卑英俊之並游眷既厚於
兩宮名益高於九牧果登宥府仍冠儲寮時來則
為之佇正久虛之宰席年不可及也諒多仰羨於
端門民無不獲之夫公有無窮之聞某渺聞成命
倍動懽顏孤鶩落霞正竊垂天之庇六鷲不地莫

彈賀履之棕

賀薛樞使

極

成都運司作

穎席紫樞均茵黃閣仲虺居薛宜登左揆之虛臯
陶謨虞還倚右平之重有常立武無競惟人恭惟
某官學可帝師材堪王佐智周萬物炳著龜先見
之明節貫四時凜松柏後凋之操周旋三省兩省
之掾練達一日二日之機合文武以兼資佩安危
而注意熙帝載宅百揆民具爾瞻掌邦政統六師
軍則誰與式端兵本專領使權匈奴欵塞五原固
出干羽之舞子房決勝千里正須帷幄之籌壽帝曰

欽哉相尊等耳山有木而工則度姑遜滕侯之先
封河如帶而國永存實自薛公之上計佇膺帝眷
徑位宰衡某夙累一陶尚驅六轡輓武功原上之
粟覺心瘵而形疲聞文德殿下之麻嘆形留而神往

賀薛僉書極

顯膺上第進貳洪樞道德之威成安強有常立武
股肱之寄在忠力無競維人渙號再揚師虞允穆
恭惟某官風猷庸敏字量浚明才刃止解才千牛
豈躊躇於肯綮意匠洗空於萬馬寧慘淡於斯須
輔造化而不言正朝廷於旣治星辰聽復久勤朝

夕之論思雨露賜袍遂參夙夜之宥密漢用三傑
運籌允藉於子房舜有四鄰舞羽實資於伯益適
觀偉績追配前聞某濫廁冗員獲瞻盛事帝王之
興建輔弼固知時亮於天工甲兵之問至廟堂更
願勿窮於國力

賀程同知卓

登庸儒宗陪輔兵本綢繆牖戶及國家間暇之時
典領樞機基夙夜宥密之命軍民心愜夷虜膽寒
恭惟某官峻稟扶輿清儲沆瀣何蕃初入於太宰
共知仁義之必流下惠不卑於小官豈以供遺而

或怨揚歷勞人之州縣從容範我之馳驅迨作牧
於閩山寢簡知於魏闕紬書史觀昭回雲漢之章
批敕瑣闈鼓舞風雷之令迄由東省進貳西樞惟
春秋九世之讎固將酬於千古然乾坤一擲之牽
不如出於萬全願思無競之維人益務有常而立
武運惟幄而決勝千里正賴恊心亮天地而弼予
一人即觀顙面某隴西冷齋江右庸儒頃作墨氓
正出藍田老槐之下茲爲幕客詎忘豐水有芑之
仁所未知鼎鼐之新果猶念鑪錘之舊燕雀之賀
大夏豈憂凌雨而震風烏鵲之遶何枝尚託稀星
於明月

賀俞俞劄書 應符

使北道而簡僚曾玷網羅之舊翊西樞而基命茲
逢鼎鼐之新往年身未可以許人今日士固伸於
知己輒修燕雀賀夏之敬併吐蟋蟀吟秋之懷恭
惟某官背負天風曾吞雲夢自其克勤小物於州
縣已具可以大受之規模二螭坳處之記言一麾
乃出千騎上頭之賦政再命茲共回回紫橐之間
諤諤青蒲之上露門晝講緝熙日月之光明瑣闥
夕趨鼓舞風雷之號令廷臣無出右者天子居然

器之迄自東臺峻躋西府九天煥號簡二三執政
之股肱兩地升賢繫億兆生靈之肝腦有常立武
無競惟人春秋九世之讎固將必報匈奴百年之
運未有不亡今犬羊交噬之已深計蚌鷁相持之
不久下策莫危於浪戰上兵實貴於伐謀在帝王
之萬舉萬全固求耆定然疆場之一彼一此正欠
堅凝幸而及間暇之時亟宜定修攘之計取亂侮
亡兼弱也時則易然同寅恊恭和衷吉政將焉往
洪鈞既轉於一氣黃麻即似於六經伏念某拓落
一官欽崎萬狀才固自知其無似命亦可歎其不
猶瞻白日於舉頭遭海風而引去上青天而仰脇
僦峽水之倒流甫欲釣錦江之魚乃忽騎將軍之
馬二年劔外寸步矛頭徒令蟣蝨介冑之生安得
貂蟬滌整之出茲歸身於司敗妄干祿於有司適
值大君子之登庸不勝小丈夫之距躍士曰時哉
相君實皆舉笏以相驩誰其識之有歐陽辱捲簾
之有素願煩啄抱稍養翅翎樂莫樂兮相知更傍
誰家之門戶遲之遲而又久正須大匠之鑪錘

梅丘先生四六標準卷之十七

中書

賀太府余大卿鑄除中書舍人仍兼右司

除戶部侍郎兼知臨安

成都運司作

帝重詞臣公遷閣老裁縫雲霧便應拜學士之真
鼓舞雷風更盡展舍人之樣紫微炳煥黃道開明
恭惟某官忠肅而惠和博習而脩潔清姿秀骨下
獨鶴於人間厚德長材載六鼇於海上 醉六經
之醲郁目營四海之溺飢文人多不諳文紀行易
虧於大德宰士固習爲宰遠圖或奪於近功惟公
超然過人遠矣彌綸兩省標表九卿久薰內史之

原

贊書茲正中書之三字惟天子之義範曰制以聖
人之情見乎辭扶山東之癘戀漢恩而忍死回河
朔之悍存唐祚於幾亡一札可服於隗囂尺書足
招於贊普不但取九制一揮之敏亦非專四駢六
儷之工俾萬姓咸曰大哉則一字不容易也衣冠
盛事夙尊八葉之科翰墨大勲詎止五花之判旣
敷華而緯國行迪哲以爽邦文章於道未爲尊風
斯在下矣富貴乃吾所自有時來則爲之某頃侍
同朝且依鄰辟士韓非老子又嘗共傳公叔大夫詎
望同升范叔一寒哀之命也不哀之命也杜陵十

暑可以言歟未可以言歟聞耻納溝亦嘗推轂上
界定官府斷不希雞犬之仙散人拜江湖願徑入
魚蝦之侶

賀黃秘監序除中書舍人

代董制置

中宸渙號內史升賢三神在海上之山久勤攝領
一佛出人間之世遂見真除綸綍有光紳綏胥慶
恭惟某官材猷膚碩學術醇深探周情孔思之微
淵源千載發宋艷班香之祕膾炙四方親結龍袞
之知聿新鳳閣之樣辭達而已矣要必見聖人之
情才難不其然蓋欲極天下之選得君為重緯國
以文好對紫微草尺書而招贊普却登黃閣提一
筆以福蒼生某聳聽除音阻陪賀履千門柳色誰
怜芻狗之陳人萬里草堂遙想槐龍之新影

賀直院莊少卿夏除中書舍人

優詔上卿正班內史北門視草謂當進學士之班
西掖拜真聊復示舍人之樣斯文增氣有識傾心
恭惟某官蓄學醇明採材鉅麗沈浸醲郁蓋下逮
於莊騷雅健雄深無足多之崔蔡盡兼兩制已四
三年號令鼓舞風雷亦云多矣獻納司存雨露莫
若專之濃薰班馬之香高振綺園之翼有偉用儒

之效會當秉國之鈞其假守魚鳧阻陪燕雀碧梧
模府幸稍安雪外之城紅藥主人儻或念天涯之
客

史掖

賀聶左史

子述

中宸渙號左侍升賢夾立螭頭均爲清切進攜龍
角愈近凝嚴欽清朝選用之公示君子登庸之漸
恭惟某官材全而業鉅學廣而聞多秀出班行固
已芒寒而色正凜然氣節不爲義疚而利回五年
省闈之彌綸萬里戶庭之清晏賴舍人之解事爲
天子而記言績用孔殷序遷惟允楚左史之能讀
八索蓋儲倚相之材唐中禁之用第一流亦爲議
政之地佳傳相期於千載脩名刺跨於數公某遠
落魚鳧阻陪燕雀甚愧丈人厚頃嘗聞所聞而來
屢爲丞相言是有得不得之命灑灑旣令其膽破
岷峨亦使之眼高望五雲多處之星早登魁輔倩
萬里橋邊之水聊送客心

賀聶左史

代董制置

南衙渙號東史升賢雖君舉必書均號司存之切
而王置諸左益知位置之親正人登崇善類鼓舞
恭惟某官負材有用蓄學不貲健步豐扛連六鼇
於海上清標秀質下獨鶴於雲間五年密贊於宰
司庶績自凝於道揆螭頭切處久稱解事之舍人

龍尾道中遂進讀書之倚相柱下之光有耀甌中
之姓可占其最辱挈提尤深距躍歸心羽翼已父
懷石澗之泉餘論齒牙更幸及玉關之老

六部

尚書

賀章尚書類

申命秩宗正班宰伯春官六十立之長以維專曲
禮三千待其人而後舉有隆圖任茲遂真除恭惟
某官重德鎮浮清規厲俗中流砥柱百壬夙避其
鋒野水孤舟六丁莫措其手偉雲山之舒卷關天
下之重輕迨茲改絃復此持橐堅車大艦安徐而
後進光風霽月逾久而益明粵從貳卿實典三禮
振自古寅清之職還斯民子諒之心不惟和上下
而治神人蓋將經國家而定社稷茲引星辰而上
益高日月之依武德間有謹言忠無不報正觀初
踐台斗理有固然某阻作鳧趨但深螭抃小草有
遠志懷哉並世之醫和大夏無弃材盍以與聞於
匠石

賀任尚書希夷

晉長冬官復兼夕闡國有六典孰如事典之優閑
命出一人實預舍人之駁正况躋中庶尤簡上知
恭惟某官曾湛秋霜筆翻春潦獻納日月仁義陳
於王前鼓舞風雷言語妙於天下久典三禮既諧

兆民疇若予工併任塗歸之責乃在五岳就兼翼
贊之華忠既結於兩宮名益高於九牧投珠委地
必有清平尚書之言批勅回天更觀儒者給事之
效既劑高馮之藥石即羹傳說之鹽梅某從耳聞除
音喜至滿面君子得輿民所載也豈但收稽古之
功衮職有闕我儀圖之知必稱納言之任若方朔
之餓欲死與杜陵之凍且僵不知命而且鳴且號
亦無耻矣其潔己之與進與退惟所命之

賀陳尚書

率

除吏部尚書仍兼內翰

成都運司作

峻長六卿增崇八座惟王有成績紀于日月之常

六標一十

命汝作納言引此星辰之履仍專鰲禁垣重雞翹
恭惟某官學濟道真器函天粹絕識洗空於萬馬
全材立解於千牛積江漢經營之勞日月河山帶礪
之烈允文允武立德立功還願牧於禁中率回
心於讀詔講唐虞於羶上頑民聽命於舞干茲膺
典選之升始是奮庸之漸文昌垂象寔為上將上
相之躔武帳前龜行有為保為師之命暫煩長文
制九品之任行見曲逆遂萬物之宜某未解漕冰
正馳驛路聞尚書之踐台斗或垂念於孤槎聽散
人之拜江湖早歸身於三徑

侍郎

賀鍾侍郎

震

除侍左侍郎兼中書及侍講

大君渙號小宰升賢三銓審官尤重左曹之衡尺
一佛出世仍兼右掖之絲綸碧落彌高紫微增煥
恭惟某官目營四海曾著千年關百聖於寸心不
夷不惠而願孔子之學掃千軍於獨筆非韓非孟
而成歐陽之文雲雷十載之經綸江漢六年之方
泳怒鵬既擊凡馬皆空蛻骨地仙直上蓬萊瀛洲
之島鬋纓天策徧儀承明金馬之庭堯醲舜醴最
宜爲誥班香宋艷安敢比材非道不陳於前在庭
無出其右日獻月納亦有嘉謀年除歲遷士無異
論四輔既備命史佚以記言五禮有庸咨伯夷而
降典露門重席星戶鳴珂緝熙有賴心仔有左右
宜咨於汝翼掌六典之貳更追裴馬之縱遂萬物
之宜即接夔龍之武某夙蒙推挽竟自顛隕今墮
孤雲落照之邊誰復高山流水之賞江梅尚難於
寄驛海棕詎易以移栽然蓬婆雪邊十暑碎杜陵
之萑在玉堂天上一寒望范叔之袍

賀江陵趙制置方除工部侍郎

優詔元戎升卿起部司空用以寵舊荆之牧未曰
殊恩貴人不待入長安之城曾爲異數中權增壯
上眷彌深恭惟某官氣直而溫材弘以毅稟衡山
扶輿之積人知鍾駿嶽之神師葵軒正大之傳天
使壽熊湘之學聞善若決疾惡如風粵從使指之
膚出領制垣之重茲貪膽落洗空當道之豺狼夷
虜心寒驚遁繞枝之烏鵲寬九重顧既四三年江
左見導無憂固將大用北門非準不可未免小留
惟無敵知儒者之真况有功見賢人之久徒得君

標一十

重使若予工豹尾雞翹獻納上司於雨露熊旂犀
節擘呼外震於雷霆營壘旗幟初無所更朝野人
士皆爲之慶洞庭彭蠡可但爲分北之區廣漢江
沱蓋亦繫二南之化况占雲稷當護風寒竊窺往
年根本宜固之言及讀近日事業無窮之奏萬國
玉帛豈甘安王業之偏百年丘墟亦貴度時賢之
力願謹郊圻之申畫姑思牖戶之綢繆中興當用
實材更訪英豪於物外上策莫如自治合商得失
於褚中與民守之吾庸多矣朝廷已深知治行豈
但儀簪橐之班牙毒蘂不足爲公榮要當勉旃常之

績其雖無學術知有忠賢頃捧辟書輒干賓謁不
緣介紹家稱人品之高尋因憂恫又爲地主之累
今者尋磨驢之步復茲修賀燕之恭登樓而憶仲
宣豈但感凋零之迹下堂而執醜蔑或許傾結約
之心

賀趙制置彥呐除兵部侍郎

顯冊宗藩升卿武部司馬掌九伐之法外益重於
中權元戎先十乘之行遠式遒於近列傳聞四海
忻懌一詞恭惟某官迪德碩膚負材瓌特獻宗英
之禮樂卓爾不羣謀元帥於詩書飄然無敵文武

標一

作萬邦之憲精神折千里之衝三百屢弓竊笑無
功之祿利十八年矣備嘗在外之艱難自殄鯨鯢
之妖滋奪犬羊之氣茲膺天寵迄拜夏卿將三軍
以定中原聿觀偉績間兩社而輔公室佇接前芳
某治任方歸聞報失喜知有功之則悅見無德之
不酬錦城雖樂不如早還益增西望繡裳無所於
汝信處更佇東歸

賀朱倉在除度支

任兩浙運幹作

勞使臣之還而歌四牡知入重於郎垣旅天子之
命而作嘉禾又暫留於輔邸蕞爾幕下之士託於

畿內之侯敬德已深修辭敢後恭惟某官政由學
出心以家傳昔者周公固望伯禽之拜後趨亦夫
子誰知孔鯉之異聞雖剛大之氣浩然而中庸之
德至矣揭節以出送以禮樂而有光當官而行編
之詩書而無愧茲拜握蘭之召又爲騎竹而留斂
惠而施一州寧容黔突輯瑞而班羣后即聽紫泥
某偶爾依蓮正茲索米囊粟二百之俸實隸治封
遣介咫尺之書敢修庸敬

代回宮使待制史侍郎

彌堅

貳訓夏之刑已慙弗績攝司冬之典尤愧謨恩曾

標十一

上

巽謝之未遑遽謙光之先辱恭惟某官久勞于外
式遘其歸大燾纛高牙茂展幹方之略珍臺間館暫
從均佚之謀輟湘水之曉行趣宣室之夜對有勤
餘芘亦及陳人某視蔭幾何強顏已甚司納言之
喉舌轉覺濫竽借餘論於齒牙早期納履

樞屬

代胡尚書回趙編修

二日栗烈寒但感於實冰五雲郁紛文乃工於翻
水物將其意愧在於肝恭惟某官有偉宗英入陪
廟筭駕輕就熟問津槐棘之榮噓枯吹生假寵桑
蓬之賤粲然駢儷幸此衰遲郭令二十四考之書
此言何爲至我魯侯萬有千歲之頌所有更以贈
君

臺諫

賀洪郎中啓夔除察院

成都運司作

親擢郎潛進司臺察十年去國安泉石之膏肓一
札起家任朝廷之耳目公無欣戚邦有榮懷恭惟
某官行守宮庭道探壺奧養以剛大獨扛百斛之
龍文出其緒餘連中八科之麟角惟其守專而退
勇是以任重而進難社下之肉旣均尋拜護軍之
曲逆治中之足未展願令乘障於陰以儀粉省以
歸班封皂囊而論事回天有力方將批徑尺之
偃月生疑已不容立仗之馬曾謂考功一出息之

頃遂見拾遺九鑽火之明星旣圻於中台帝遂前
於半夜甫登表著徑拜裏行獬豸邪難置豺狼
而不問鷹隼始擊尤關龍象之共觀耳聞破頭已
足落瞻刊九山滌九川陂九澤通地氣以上騰關
四門明四目達四聰發天光而下濟此真御史矣
豈憂匈奴哉鑄金鼎以圖姦不難調鼎察玉衡而
齊政然後保衡其一寒漕冰六暑戍雪將返閭閻
而曝日喜聞臺閣之生風鵬鷃之在秋天儻或寬
於西擊烏鵲之繞夜月願姑聽其南飛

賀王寺簿遂除察院

成都運司作

峻擢容臺進司糾院明天子厲精之日爭覩親除
真御史遴選其人迄符衆望風雲感會山嶽動搖
恭惟某官心幹九秋文焰萬丈摘髭名第不應州
縣之徒勞策足要津共擬公侯之必復堅車大艦
每難於進光風霽月既久則明上欲求忠臣之尊
念無易太常之肅嚴霜烈日姑令鑄金鼎以察姦
縫霧裁雲行即登玉堂而草制某久違楓陛聞進
蓋臣行行且止而避驄莫陪旅賀皇皇者華之維
駱願以汰歸

賀董司諫

居誼

標二十七

進思補闕仍侍邇英責重寄隆益可告加猷于后
謀從言聽轉當下膏澤於民朝野喧然宗社幸甚
恭惟某官所養剛大而道中庸人方止重而彼輕
公獨以退而爲進廷臣無出右者天子居然器之
拔自州麾徧儀朝著亟拜拾遺之命仍陪勸諫之
聯緝日月之光良多啓沃犯雷霆之怒大有激揚
不賣直以取名惟格王而正事簡在中宸遂升左
垣考司諫七品官之階雖云序進然大人一正君
之事正屬司存今日前無必至之憂而天下有未
形之患戎心外狡民力中乾天文變恠而難謀人

才卑少而不競民保於信而信屢爽位守以仁而仁不流吏惰且貪兵虛仍脆無非事者請先大者之圖彼何人斯尤願辨之之早自古建久安之勢成長治之業莫若杜羣枉之路開衆正之門國人曰賢左右皆曰賢無使滯淹之久君心以正遠近一以正切防浸潤之行閫內閫外不容二心宮中府中當爲一體舍豺問狸則民不服如鷹逐雀則君自尊察嫠婦之私憂回倉公於驚走庶淮南知憚於汲黯而昌黎無惑於陽城名即皎然芬芳多矣富貴乃吾所有何足計哉忠良得路之唯切宜念此其當獻嘉頌頌進苦辭蓋有感平日之知不敢作細人之愛諸公不喜生語柔則茹之善人能受盡言遐不謂矣尚欲作石守道紀德之頌幸勿還李師中落韻之詩

代回傳大諫

伯成

自天分閫易地殿藩南內思賢已使侯西廂之對東甌報政又當縮北固之符恭惟某官王之蓋臣邦之司直觀其動搖於山嶽安問狐狸使之感會乎風雲蔚如虎鳳汲黯願居於禁闥望之願出於平原一言寧急於封侯萬物盡令其吐氣茲驅大

蘇又卧長江邊秋一鴈聲幸騎烽之灌燧人生五
馬貴羨燕寢之凝香某自愧秋零阻陪夏賀仁義
與王言者寧千里而莫追邂逅適我願方或一見
而後去

梅亭先生四六標準卷之十七



[Faint bleed-through text from the reverse side of the page, including characters like '梅亭先生' and '四六標準']



